

摘藻堂四庫全書薈要

集部

欽定四庫全書薈要

集部

澹溪集卷二



欽定四庫全書薈要

滄溟集目錄

卷一

古樂府

卷二

古樂府

附三言四言

卷三

五言古詩

卷四

五言古詩

卷五

七言古詩

卷六

五言律詩

卷七

五言律詩  
七言律詩

卷八

七言律詩

卷九

七言律詩

卷十

七言律詩

卷十一

七言律詩

五言排律

卷十二

七言排律  
七言絕句

卷十三

七言絕句

卷十四

七言絕句  
六言律詩  
六言絕句

卷十五

賦  
頌  
序

卷十六

序

卷十七

序

卷十八

序

卷十九

記

卷二十

傳

卷二十一

墓誌

卷二十二

墓誌

卷二十三

墓誌  
墓表  
神道碑  
行狀  
祭文



卷二十四

祭文

卷二十五

雜文

卷二十六

書

卷二十七

書

卷二十八

書

卷二十九

書

卷三十

書 附錄

臣等謹案滄溟集三十卷明李攀龍撰攀龍  
字于鱗山東歷城人登嘉靖甲辰進士歷官

至河南按察使是集凡詩十四卷文十六卷  
附錄志傳表誄之文於後明代文章初以春  
容典雅為宗久之漸流為庸熟正德間李夢  
陽崛起北地倡為復古之學戒天下無讀唐  
以後書風氣為之一變攀龍引其緒而暢聞  
之殷士儋誌其墓稱文自西漢以下詩自天  
寶以下若為其毫素汚者輒不忍為故所作  
一字一句摹擬古人與太倉王世貞通相倡

和傾動一世舉以為班馬李杜復生于明至  
萬厯間公安袁宏道兄弟始以贗古詆之天  
啟中臨川艾南英排之尤力今觀其集古樂  
府割剝字句誠不免剽竊之譏諸體亦亮節  
較多微情差少襍文多詰屈其詞塗飾其字  
誠不免如諸家所譏然攀龍資地本高記誦  
亦博其才力富健凌轢一時亦有不可磨滅  
者汰其膚廓擷其英華固亦豪傑之士譽者

過情毀者亦或太甚也乾隆四十二年二月  
恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷一萬七千一百二十四

集部

滄溟集卷一

明 李攀龍 撰

古樂府

胡寬營新豐士女老幼相携路首各知其室放  
犬羊雞鶩於通塗亦競識其家此善用其擬者  
也至伯樂論天下之馬則若滅若沒若亡若失  
觀天機也得其精而忘其麤在其內而忘其外  
色物牝牡一弗敢知斯又當其無有擬之用矣

古之為樂府者無慮數百家各與之爭片語之間使雖復起各厭其意是故必有以當其無有擬之用有以當其無有擬之用則雖奇而有所不用也易曰擬議以成其變化日新之謂盛德不可與言詩乎哉

黃澤辭

四首

皇之縻其馬八驪  
皇人委蛇  
皇之水其馬駉耳  
皇人受祉

皇之曲浴其馬沃若皇人薄薄

皇人孳孳其馬歆雪我心如結

白雲謠

白雲在天山陵逶迤率彼東土諸夏間之將子能來

瑤池謠

白雲在山亦浴而野予歸三年將顧見女

南山歌

南山白石白離離爾牛之角何其悲車下短衣歌者誰



國有叔牙當見知佐命伯王獨後來

越人歌

山有隈兮江有汜歌擁柁兮見王子揄修袂兮披長雲  
舉繡被兮風紛紛蒙詬恥兮心靡它君不知兮可奈何

采葛婦歌

臥下之薪何綢繆欲寐不寐思寇讐我今采葛以遨遊  
易水歌

繚天兮白虹蕭蕭兮北風壯士怒兮易水飛羽聲激兮

雲不歸

垓下歌

從美人擁駿馬涕從橫兮垓之下

大風歌

大風沸兮雲薄天驅萬乘兮紛來旋紛來旋兮沛之宮  
士桓桓兮福攸同

秋風辭

秋風蕭蕭兮白雲晶晶草木黃落兮鴻鴈于征蘭可佩

兮菊可餐遺佳人兮汾之干挾飛龍兮下中流橫大波  
兮放遠遊靈偃蹇兮翳日來憺容與兮紛裴徊顧帝京  
兮何壯哉

天馬歌

天馬下閭闔開汗以血駢離哉河之精龍之子視浮雲  
無萬里絕流景躡遺風今安駕幸回中天馬來從西極  
經千里歸有德天馬來竦予身挾飛電化若神天馬來  
循東道承靈威服帝皐天馬來歲執徐陞四海將安如

天馬徠出嶠山逝昆侖排玉關天馬徠龍為友北擊胡  
驅羣醜

李夫人歌

三首

去邪來邪就而視之紛何被被其徘徊  
寤邪夢邪就而視之包紅顏其弗明

步儼儼者誰邪就而視之風何蕭蕭其蔽帷

隴上歌

隴上壯士乘驕驄帶桑韃服挾秦弓七尺大刀搏白虹

丈八蛇矛盤怒風戰始三交失大刀且盪且走亡其曹  
棄我驕驄巖中逃為我謂烏為客豪隴上之水流潺潺  
壯士一去不復還

蹕林歌

單于庭陰山下漢家和親刑白馬刑白馬祭龍城今年  
蹕林大會兵

鐃歌

十八首

朱鷺

朱鷺獵其纓  
茄下行魚在梁  
縱復橫  
鷄何飛濡其羽上  
書諫明主

思悲翁

思悲翁  
鳳凰安宿阿閣中  
奪我美人  
思悲翁  
鳳凰飛上天  
梟子拉沓隨轉蓬  
狗逐狡兔走  
取爾梟子食梟母

艾如張

艾而張  
羅羅若雲中有黃雀  
呼其羣  
毛羽摧頽離哉紛  
山出黃雀  
山嵯峨  
鴻鵠絕四海  
君亦難為羅  
我欲從之

讒言多鴻鵠徘徊奈雀何

上之回

上之回蕭關開以待邊單于臺勒兵十八萬羽林材振  
大旅鬻長馳龍言匈奴臣月支朝諸侯王甘泉宮郡國受  
計福來同

翁離

擁離趾中可築宮蘭用葺之艾爾達擁離趾中

戰城南

戰城南走城北轉鬪不利號路側謂我梟騎且行出攻  
寧為野鳥食不逐驚馬徘徊蒲葦中水深黝黝蒲葦驚  
鷺鳥亦自不去客亦自不豪梁以集鳥子五鳥母六禾  
黍不食攫腐肉願為忠臣何可覆傷子良臣良臣誠可  
傷遠道之人枯骨何葬

巫山高

巫山高自言高江水深自言深勿復相思君有他心山  
以蔚蔚水以湯湯何用度之石用梁徘徊遠望泣下霑



裳願託黃鵠東歸故鄉

上陵

上陵亦誠美下津以尚羊問客從何来自言水中央  
芰荷為君衣芙蓉為君裳木蘭為君佩江蘺間杜蘅銅池  
之芝以九莖光華燭夜披金英鳳凰之集乍開乍合蜚  
覽上林曾不知日月明赤翅之鴻翁雜相隨白鴈何蔚  
蔚雲為車風為馬游閭闔守謁者五色露何泥泥乃在  
仙人金掌中凝如膏美如飴願奉我主飲延年萬歲期

將進酒

將進酒稱我觴紛佳哉以浩倡心所作未嘗聞徘徊三  
歎一為君君之臣明四時和國有良工悉索歌觀者不  
苦奈子何

君馬黃

君馬黃臣馬驪二馬異體同權奇徘徊四海美人子二  
馬相得以千里故東非我東西非我西南非我南北非  
我北駕如六飛龍之翼路訾邪謂何覽遨遊安終極二

馬視駑馬局促食轅下將以問馭者

芳樹

芳樹如此之蔚蔚上有黃鵠以翱翔下飲蘭池鳴鏘鏘  
二而為侶三而為行芳樹拉雜黃鵠傷秋風蕭蕭思其  
鄉妬人之子妬殺我君有它心無不可黃鵠高蜚亦有  
羅目欲顧之奈樂何

有所思

有所思乃在燕山隅何用問遺君大秦明月珠結以連

理帶薦以合歡襦又何問遺君青絲係玉環可直千萬  
餘翠羽紹繚之黃金錯其間聞君有它心拉雜其珠摧  
其環摧其環臨高臺反袂以障之當風揚其灰從今以  
往勿復相思若復相思有如此珠有如此環非我可為  
雞鳴狗吠我視兄嫂不言謂何東方須臾高奈何

雉子班

雉子班如此之趨蹌蹌雄來蜚從雌拉沓曳水集于梁  
目以顧之蔚蔚宜冥冥而張羅雉子知得奈我何王孫

有羅以雉子黃鵠之羅當千里駕以南駕以北朝行出  
遨遊暮從美人食

聖人出

聖人出應燦怒赫炎精文教洽武功成寒暑德河海清  
駕六龍何駢離聖人哉聖人御天以調之日月星辰和  
四時郡國吏功上所治君之臣明遠如期

上邪

上邪我欲與君同心樂以不可禁相思紹繚讒言罔極

大駕六龍處天側日月出入滄海中  
妬人之子難為工  
臨高臺

臨高臺望江水江水之流以千里  
黃鵠知得高蜚止願  
遺香草美人子關弓問鵠從何來  
我主萬年亦誠哉禾  
黍不獲鵠何食遨遊四海安終極

遠如期

遠如期宜四海皇帝日月所置有甘露三載單于自歸  
大佳以萬人稽首陛下北藩臣左右賢王奉國珍謁者

令引之鄉殿陳索佗拉沓就羽蒙戎酪酒乃是閼氏之  
所飲馱騃生自余吾中將進酒顧其蒙撓以留犁徑路  
刀何用賜之黃金犀毗赤紵錦袍扶伏沮澤魯不知天  
子神靈從今以往但居光祿塞下不願歸庭

石流

石流津以梁無敢曳水君安所薄秋風湯湯東飛者鵠  
北逝者河中有冥冥之白沙遠道之人謂之何蘭以有  
香君不知願言懷之遺所思

五鳳曲

梧桐生高岡鳳凰鳴中央三百六十鳥翁雛朝四方具  
東鳴青鵠其西鳴鸛鶴鸞驚鳴其陰鶉雀鳴其陽

精列

欲何為雖有一介志慷慨非其時慷慨非其時言從吾  
所好混迹於鴟夷入宮無美女名士常見持名士常見  
持卞和乃衛足白璧以終疑白璧以終疑還君十五城  
抱之寧自奇抱之寧自奇周孔聖殂落世人莫我知雖



金方四月  
卷一  
有一介志慷慨非其時

東光

胡兒平倭奴何不平倭奴利水戰海塹船為城諸軍  
騎士馳射難縱橫

對酒

對酒歌陽春含意未能申請客聽其真男兒居世無依  
因誠獨難自絕於要津視扶風稱三輔吏共理之臣奉  
職亦何狀盤桓磬折關石和鈞為積書以報諸天官自

公卿大夫士咸頷其人以君子經綸是時賤玉而貴珉  
獨蹶迫落非其倫素無跣跣之才四載不遷敢辭於  
積薪此道當何以具陳彷徨所欲歸潔其身

鳥生

黃口四五雀羅坐秦氏桂樹間啄啄樹上蠹母子相哺  
自言安惜我三河不知為誰家有輕薄少年臂坐一鷄  
子鷄子小小如人拳出入雀東西一縱即中兩黃口毛  
羽摧頽魂魄飛上蒼浪天鷄子下來還少年阿母生黃

口時乃在高堂樽櫨間  
咎我人民安知雀乳處  
窈窕紫深宮中安從通  
白兔乃在平原大澤中  
羅者尚復得脯腊之咎  
我猛虎斑斑南山間  
射工尚復得枕藉之明珠  
乃在合浦深淵中  
後宮尚得剖以綴其襦  
咎我人民生各有壽命  
何須尚復計會賢愚

平陵東

二首

太山陽瑯琊有美一人  
坐明堂坐明堂以王者  
德大從羣臣朝萬國  
朝萬國如會同顧見  
白雲生封中生封

中禪梁父今上皇帝聖神主

其二

陰山傍馬牛羊不知何人城朔方城朔方絕大荒虜兩  
關氏一賢王一賢王戰失利拔胡將軍顧驃騎顧驃騎  
曰歸止單于敢望漢天子

陌上桑

日出東南隅照我西北樓樓上有好女自名秦羅敷羅  
敷貴家子足不踰門樞性頗喜蠶作采桑陌頭上枝

結籠係下枝挂籠鉤墮髻何繚繞顏色以敷愉絢綺為  
下裙紫綺為上襦行者見羅敷下擔故綢繆少年見羅  
敷袒裼出臂講樵者忘其薪芻者忘其芻來歸但怨怒  
且復坐斯須

一解

使君自南來駐我五馬車遣吏前致問

為是誰家妹羅敷小家女秦氏有高樓西隣焦仲卿蘭  
芝對道隅羅敷年幾何十五為人婦嫁復一年餘力桑  
以作苦孰與使君俱使君復為誰蠶桑所自娛小吏無  
所畏使君一何迂羅敷他人婦使君他人夫

二解

東方千

餘騎夫壻居上頭左右三河長負弩為先驅何用識夫  
壻飛蓋隨高車象牙為車軫桂樹為輪輿白馬為上褰  
兩驂皆驪駒青絲為馬勒黃金為轡頭腰中千金劍自  
名為鹿盧起家府小吏拜為朝大夫稍遷郡太守出入  
專城居月朔朝京師觀者盈路衢為人既白皙鬚鬣有  
髭鬚四十尚不足三十頗有餘座中數千人皆言夫壻

殊

三  
解

王明君吟

我本良家子承恩入漢宮光彩射綺羅語笑生春風  
君王希召幸在遠誰為通漢宮三十六處處種梧桐  
美女八千名各各分當熊黃金買顏色丹青多益工  
寧知佳麗人不出所圖中黃金猶糞土丹青復何功  
顏色非可恃粉黛故難同因念長門賦夙昔亦相蒙  
君王寵自誤賤妾以和我豈惜賤妾去但惜長門空  
涕泣願長門從此逐秋蓬

安期生

安期生參駕白鹿雲中行參駕白鹿雲中行下遊來安  
期生白鹿皎皎金為羈玉為纓顧見蓬萊三山十二城  
安期生自署其名過謁四海五嶽後從麒麟赤鳳迎禹  
湯文武不足令令我今上應太平擁護左右賢公卿稽  
首聖人大道成仙女羅坐吹笛笙天神八面侍衛明流  
鳥銜符翔殿廷悲吟我主享萬年皇帝求一得命延

長歌行

三首

嗟我谷中蘭猗猗復英英秋氣日夜至鶚鳩乃先鳴百



金方口人卷一  
草不重芳霜露浩縱橫栖栖就一役慷慨非其情少壯  
復何為老大無成名

其二

仙人攬紫芝燿燿如芙蓉兩耳委其肩短髮以蒙茸侍  
從幾玉女導我入雲中奉我一丸藥期我於空同服之  
生羽翼綽約變形容顧見雲中鹿婉婉成白龍

其三

累累城上星河漢流清光耿耿不能寤寐言起彷徨

惶立中庭遼遼夜未央白雲塗我衣壯風吹我裳還坐  
顧四壁蘭燈一何明緘書寄遠道涕泣下縱橫倦鳥無  
故林遊子無故鄉驅車出門去徒侶相扶將

### 短歌行

駟馬可縻去日難追清酒載觴短歌苦悲邀當以遊何  
能坐愁全身遺名唯有莊周鳳凰于飛覽彼九圖但為  
君故駕言旋歸杜門似鄙離俗似驕彷徨所欲此一何  
勞斑斑猛虎其尾可履鬱鬱壯心碎不可抵傾側勢利

還自相戕覆車不戒躊躇鴈行秋風駢駢轉蓬如輪飄  
揚四野莫知所臻鳥不厭高魚不厭深爾其肆志載浮  
載沉

當鰕鰓行

日月揚光華雲漢垂文章五嶽高摩天江海百谷王周  
孔聖有作大雅豈淪亡曲士徒嗷嗷此道非所詳嗟予  
滯末位慷慨志四方左伏吳越波右以筭中行立髮而  
虎視厲馬撫干將吾謀適不用駕言歸故鄉

董逃行

吾欲上謁從蓬萊遨遊三山戲九垓閭闔誅蕩開班璘  
宮闕樓臺流光倒景徘徊但見織女弄杼往來白榆橐  
纍支機十二枚河流逶迤但見丈夫牽牛飲其隈問爾  
凡吏所為客謝主人樂哉教敕酌彼金罍織女長跪進  
酒牽牛陪桂樹一何摧頽嫦娥端坐頷其頤白兔抱杵  
戛樹蝦蟇栽采取甘露一玉杯服此露壽以崔嵬服此  
甘露顏色自好陛下長生不老坐享萬年有道君臣歡

金史四庫全書  
卷一  
如魚藻陛下長與天相保

塘上行

塘上雙鴛鴦芙蓉翳其陰不自行仁義何能知妾心青  
蠅一墮耳琴瑟難為音新人入宮時意已無同衾君子  
在萬里顏色安可任念妾平生時豈謂有中路新人斷  
流黃故人斷紈素新人種蘭茝故人種桂樹新人操陽  
春故人操白露新人日以驩故人日以悲浮雲顧我庭  
北風動我帷思愛儻中還皓首以為期

秋胡行

四首

太行易驅仕路難為工  
太行易驅仕路難為工  
諛佞喪志聲折不衷  
自負者忌自異者攻  
智力相御莫知所終  
歌以言之仕路難為工

其二

河清可須鍾期未易逢  
河清可須鍾期未易逢  
國士見知非以先容  
雖有骨肉中懷莫從  
伯牙絕絃甘比不恭  
歌以言之鍾期未易逢

其三

閭妬相成周客一何踈閭妬相成周客一何踈維彼燕  
石明月是居爰發深藏庶用見譽即曰瓦甓孰抹其初  
歌以言之周客一何踈

其四

好惡何常顯者易為名好惡何常顯者易為名一犬吠  
形百犬吠聲如草偃風夜蟲附明西子雖姣不屬于盲  
歌以言之顯者易為名

相逢行

相逢狹斜間，狹斜不容車。不知何年少，夾轂問君家。君家誠易知，甲第城南隅。黃金為君堂，白玉為門樞。坐客高堂上，擊鐘吹笙竽。將軍起行酒，何論馮子都。兄弟兩三人，出入長相須。大子侍中郎，中子中大夫。小子復何官，稍遷執金吾。五日一來歸，觀者羅長衢。二弟為鴈行，長兄上頭居。東方千餘騎，兄弟一何殊。入門遊後園，銀牀纏轆轤。梧桐十二樹，一鳳將九雛。梧桐自相值，鳳凰



自相呼音聲何啾啾枝葉以扶踈大婦董妖嬈中婦秦  
羅敷小婦邯鄲女顏色世所無大人且安坐為樂良未  
徂

燕歌行

二首

秋風蕭瑟吹我裳蟋蟀寥寥啼我牀出門四顧非故鄉  
誰能客遊不斷腸短歌微吟激繁霜浮雲千里一彷徨  
仰看明月流清光二十八宿羅成行高臺非閣遙相望  
河漢縱橫難為梁胡馬北鳴鴈南翔憂來不知從何方

慙慙伏枕聊自當涕從中零安得防豈不懷歸道阻長  
其二

會日苦少別日多為君盛年行蹉跎憂來援琴聊短歌  
羽聲慷慨調不和悲風四起揚塵沙浮雲摧頽互相加  
人生奄忽若春華誰家客遊常無家中曲不覺淚滂沱  
攬衣出戶夜如何衆星歷歷月低河鴻鴈嗷嗷鳴相過  
欲往從之畏罽羅

善哉行

二首

來日難期少合多離今日相樂不醉何為寥寥北堂哀  
竹苦絲短歌裂耳慷慨以悲白日云沒秉燭繼之何晝  
何夜迨我盛時烹肥擊鮮斗酒自隨安知王喬八公者  
誰促坐行觴交屬所私百年如寄當復何疑慙慙惜費  
智者所嗤計會有無將以奚遺

其二

巢父潔身天下為汙四岳九官而無匹夫傳說築巖維  
時商實爰立作相不俟終日尚避海濱二老是麗既載

後車三聖所師仲未伯齊三逐何鄙生有父母知有鮑  
子伯陽猶龍和光同塵芻狗萬物聖而不仁丘明修辭  
古之國工縱橫六經化裁與同干木偃息大魏以藩式  
則閉門迫則踰垣莊周非人蓬累而行逍遙弄世乃稱  
達生

### 西門行

出西門步踟躕相逢不作樂當復何須但作樂勿復問  
有無安知家人生產當復溷吾徒君擊筑我和歌請為

燕市飲旁人當奈何人生欲知己結交不在多豈無車  
馬客富貴相經過自非名卿鮑叔牙雖有國士誰當知  
自非名卿鮑叔牙雖有國士誰當知與君重自愛中道  
有別離區區抱苦心可用不相疑

東門行

二首

出東門顧且望欲何歸向洛陽座下兩走馬馬上結束  
千金裝揮鞭酒家去調笑邯鄲倡作使博徒數輩擲錢  
百萬少年場少年場朝用廣平公子暮為瑯琊大王男

兒結交願得豪賢君復自愛莫相忘男兒結交願得豪  
賢君復自愛莫相忘恩仇分所當翩翩輕薄殊未央

其二

出東門不顧歸來入門愴欲悲舍中無擔石儲還視身  
上衣參差慷慨出門去兒女牽裾啼他家自願富貴賤  
妾與君但鋪糜但鋪糜上用穹隆天故下用匍匐小兒  
時吏清廉法不可干一旦緩急當告誰行吾望君歸嗟  
少年莫輕非

飲馬長城窟行

蕭蕭山上草悠悠山下道長城一何長遠望多悲傷遠  
望不如歸游子日依依依依復纍纍涕泣當為誰高臺  
知天風鴻鴈知天霜欲媚復無人欲去復彷徨浮雲西  
北來我馬顧之鳴願附尺素書迢迢東南行浮雲不可  
託素書不可成十年遠室家安知即平生

上留田行

人生一何相懸哲士常見未然愚夫不睹目前所較以

千年今爾忽怨蒼天非世淆亂誰貴聖賢

孤兒行

孤兒生孤兒生命不如一抔土父母在時坐長筵播大  
鼓父母已去兄嫂令我報府今年護羌明年擊胡虜六  
月來歸不得自言苦目汁稠濁頭面生瘡大兄言視飯  
大嫂言既釜上高堂不見父與母下堂孤兒淚下如縷  
使我朝行薪暮不得束芻頃筐散漏緝之用茶鉤折無  
啄銚鈍無膚舍銚拔叢棘棘斷行復甦刺傷我手復裂



我孺自念猶人誰使為奴兄嫂如此為不早去下從地  
下當復何須高秋八九月墮巖霜百草凋枯牧豎絕糧  
驅羊下山逸入他羣不辨所亡願取我羔莫懷我羊羊  
復戀子蕪之不將棄蕪挽角羊僵道傍拽羊回家兄與  
嫂睨三年不乳毛尾空長作何校計亂曰羊鳴一何羊  
羊父母地下將書寄與兄嫂爾愛其羊我愛其子

怨詩行

荆山何巖巖白壁何齒齒圭璋滿朝廷爾胡獨在此千

載抵塵沙一抱即知己瓦礫生目中衆人紛所指五都  
當一顧三獻不得理一刖藏白虹再刖涸沂水玉石苟  
不分安用存吾趾昭王遣使問慷慨不可止一剖屬白  
虹再剖折沂水至今為宗器天下稱其美願以陵陽侯  
還之樂正子

白頭吟

青如雪中栢鑿如水中石自君有兩意事事非疇昔疇  
昔共綢繆何嘗不膠漆今日不膠漆明日即參商東西

大道上車馬遙相望新人此一時故人彼一時難將故  
人意持與新人知非不結同心人情中道還白頭百年  
期豈作斗酒間雲漢何繩繩星宿何纍纍意氣一以失  
黃金不可為決如潰防川絕如蹶張弦有親相推與無  
親私自憐

滄溟集卷一

欽定四庫全書薈要卷一萬七千一百二十五

集部

滄溟集卷二

明 李攀龍 撰

古樂府

艷歌何嘗行

何嘗快獨平生但當被華縠獵長纓起家爲二千石四十以專城兄弟縱橫要路車馬絡繹往來公卿顯者行但當在高堂置酒快獨呼我所歡五陵少年任俠知名主人稱壽以樂上賓攬持綺麗雜坐彈箏觸抵安足諍

歲月忽如流，願言重自愛。吾夙昔與君共綢繆，朝亦復苦愁。暮亦復苦愁，辟彼東逝川，汎汎不繫之舟。浮雲轉薄，心悠悠，有似客遊難久留。

艷歌行

三首

皎皎月中兔，羅網安得錯。夫婿流蕩子，翩翩長道路上。堂事舅姑下堂力，蠶作日出行采桑。春風動，紉素不知何年少。踟躕西北顧，請君且莫顧。黃金徒自誤，黃金道路傍誰當見國卿。

其二

童童河上柳朝榮暮來朽人生天地間何可日無酒  
偃蹇誰當聞忼慷誰當有賴得心所歡嚼我以大斗醉後  
唱高言掩耳使一走語卿且勿走不知舌在口舌在難  
為捫歎爾欲行思

其三

南海一何長明珠一何光大珠抵明月小珠燭中堂洛  
陽發中使明珠竊自傷沒海采是珠珠淚以從橫持作

木蘭櫃送至洛陽宮後宮莫不歎問珠從何方誰能復  
市此隋侯與孟嘗用玉紹繚之黃金錯其中綴之用翡翠  
薰用蘇合香本自南海珠今為後宮璫

滿歌行

得意良獨難大帶如河高弁如山功名侮予心不遑安  
遙望故鄉鬱鬱漫漫憂來自中不遜于顏鄒士患得失  
達士多所宜智不關時我斯蕩蕩天下熙熙俛拾仰取  
日競刀錐逝將掉臂棄而違之東蹈滄海寧居九夷嶮

戲可為念為偃息乃在草萊蹲而踰垣嗒馬鑿坏流俗  
落落豈無友生門一以杜其可復開蟬螭之裳視此末  
榮寵辱者驚寓言憤世混迹躬耕貧賤肆志惰傲相成  
徘徊千古載濁載清飲酒而已誰知其它即有三公相  
去幾何百年如寄孰少孰多謀朝謀夕自貽蹉跎屹彼  
在位經營四方天道病愚人道趨彊退而為樂遼遼未  
央

企喻歌

四首



男兒自言彊出門思故鄉隴水流離下淚落鐵衲襠  
放馬大澤中馬飽勿復驅寧斷壯士肉不斷駿馬弱  
鷄子下狡兔不顧黃雀羣男兒飽百戰少年笑殺人  
男兒重意氣結伴不須錢誰能無兄弟千里不相憐

瑯琊王歌

八首

陽春二三月單衫繡衲襠繫馬臨大道值女行采桑  
炎天五六月挈枕逐陰涼絺服不掩體喚女汲寒漿  
初寒八九月銀燭照高堂端然坐不睡看女織流黃

盛冬十一月調笑酒鑪傍玉壺出纖手索女弄絲簧  
主人但置酒烹肥擊其鮮男兒好還鄉不顧持一錢  
孤兒當門泣門外霜皓皓今年許裁襦兄但視其嫂  
駿馬似人長金鞭五尺強往來渭橋上瑯琊大道王  
新買五尺刀摩挲不離手但來看此物軍中誰更有

鉅鹿公主歌

三首

邯鄲女兒年十五能彈琵琶唱樂府  
頭上明珠間翠羽客與酒錢笑不數

可憐誤嫁陽翟賈遂使黃金暗如土

紫騮馬歌

四首

出入渭城中少年獨妍雅不知是阿誰但識紫騮馬  
紫馬從西來道逢一驪駒兩人下馬揖便入酒家胡  
問客復何為昨日發東平袖中出短書心知自劉生  
對客讀短書慷慨不能止拔劍出門去報讐燕市裏

黃淡思歌

二首

腸作輓轡轉淚作素綆垂獨坐不能言傍知思憶誰

胡馬代州出還騎出代州黃金裝馬勒青絲絡馬頭

地驅樂歌

四首

蕭蕭條條風雨漂搖餓殺鷓鴣撐殺鴟鴞  
倦鳥不飛非無羽翼貧女不嫁非無顏色  
枕郎右臂郎側向左看郎顏色似不在我  
宛轉郎懷坐郎左膝郎有它人不自今日

崔勞利歌

二首

狼芳驕驕崔勞利前有鷓鴣子後老鴟

與郎十期九不果郎有它人休誤我

捉搦歌

四首

仕宦還須論知己結交還須論君子男兒失意誨人指  
老女不嫁難為理

東家女兒大狡獪屋裏燒香出牆外供養世尊作佛會  
願得百媚無留害

邯鄲城南夜逆旅樓頭十五誰家女可憐白馬空僮佇  
不見其人但聞語

駿馬憑陵粟在口男兒精神錢在手何不結伴日沽酒  
出臂蒼鷹使黃狗

折楊柳歌

五首

上馬折楊柳楊柳鬱葳蕤馬上吹長笛愁殺虜家兒  
不惜折楊柳孟津楊柳西本是虜家女嫁作漢兒妻  
放馬孟津岸飲馬孟津河雖是虜家兒愛聽漢兒歌  
莫折楊柳枝婆娑動郎意自有珊瑚鞭出入擐郎臂  
上馬出門去馬鞭持與郎郎度孟津水何時還故鄉



幽州馬客吟歌

五首

客從幽州來百萬為擄捕錢自它人有意氣良所無  
今日但一擲何言無所持庭前兩足馬千里任君騎  
自憐十指鑲玉壺不離手女兒行無賴故勸郎君酒  
南山固言高上有北流泉女兒固言好須得郎自憐  
郎齎千金裝結客行三秦那能論家計少年喜作人  
慕容家自魯企由谷歌

鳥中有鷄子人中有慕容慕容家此谷少年多相從

高陽樂人歌 二首

欲知馬上兒但復看兒馬  
結束殊輕薄不在漢兒下  
郎來但坐飲百壺分自當見郎行仁義無錢何所妨

團扇郎

白團扇明月入君懷  
清光滿顏面霜雪散炎天是儂歌  
始變合歡自一時秋風歡不見

前溪歌 七首

逍遙東武亭下有獨桑路  
歡但宿儂家前溪不可度



朝思出前溪暮思出前溪溪流亂漫下誰見倚門啼  
女蘿著長松蔓與長松長雖非歲寒姿願得被風霜  
黃葛生溪邊溪水東西流枝枝自纏繞葉葉自綢繆  
春容故易老紅粉豈常鮮郎歸定何日憔悴復誰憐  
亦異當年

誰能采黃葛逍遙獨桑頭黃葛斷還生春風不可留  
爛漫使濃愁

葵藿自有心蘭蕙自有香黃瓜一小草春風獨不忘枝

葉頓芬芳

子夜歌

十首

涉江種芙蓉青荷幾時有但使蓮心生何慮不成藕  
桑葉老欲盡春蠶已就眠那能不作繭絲子自纏綿  
彈言共寢食十日九不俱桐花夜夜落梧子暗中疎  
出亦陰憶汝入亦陰憶汝石闕四面生悲來定何許  
蕩舟芙蓉池紅顏在池水儂與芙蓉花有何不相似  
宿昔結同心絲髮與眉齊轉動如春風不離郎君懷

相憐須及時紅顏不難老郎自行由豫它人已相保  
始欲識儂時白頭誓相憐一日三唐突持底解千年  
歡心楊柳花春風為顛倒到頭有感化不離浮萍草  
顛因斗酒會發歡桃花容蹉跎自不飲雙杯持勸儂

四時子夜歌

八首

春鳥既集渚春花復著林高臺不可望春色蕩儂心  
綺窻媚初月羅帳褰春風歡復自顧慮崎嶇當奈儂  
三伏天雨火郎但籠窻坐何處汲寒漿金餅井中墮

婉伸華簾上不下歲蕤鑰郎君已自前羅衣那及著  
庭含明月光蟋蟀入牀語獨自理寒衣秋風動砧杵  
熒熒斜月輝縈縈清露垂中宵不還臥徘徊獨為誰  
郎從何處來重袍那如水酒無沙糖味為他沃寒爾  
北風振枯林嚴霜殺百草歡不與時競獨向相思老

懊惱歌

四首

五絲合歡被還得五絲縫  
儂為懊惱曲還持懊惱儂  
布帆百餘幅阿娜自生風  
江水滿如月那得不愁儂

夙昔幽閨性冶遊持自惑旦夕三千里不復作顏色  
長江得春風使帆如使馬朝發牛渚磯暮宿白門下

神絃歌

宿阿曲

天門誅蕩蕩地戶鬱沈沈真官下雲中窈窕從蘇林

道君曲

中庭有樹其實詡詡道君出入先以風雨

聖郎曲

梧桐何翼翼鳳凰何將將  
左坐青溪姑右坐白石郎  
姑自翳瑤草郎自命椒漿

嬌女詩

二首

朝遊青溪南暮遊青溪北  
嬌女年十五芙蓉比顏色  
終日奏絃歌小姑獨相識

徘徊白石江蹀躞赤山磯  
湘綺為下裳紫綺為上衣  
自繡雙鴛鴦十十五五飛

白石郎曲

二首

郎之徠何紛員車以清風馬以雲前有明姑後道君  
石子如彈丸纍纍江之渚有郎獨自居豔於十五女

青溪小姑曲

青溪湯湯白石為梁小姑不嫁誰謂無郎

湖就姑曲

二首

北遊赤山湖遙望中芙蓉裁衣贈大姑

大姑舞白鳩仲姑淥水歌不共小姑愁

姑恩曲

二首

明姑尊雲中歲筵六萌車前駕斑璘獸後從朱鳥麟辟邪

諸姑亦道同獨有明姑尊桂酒黃金色持以報姑恩

采蓮童曲

二首

扣櫂聲太苦聽我採蓮歌且將盛年容持比芙蓉花  
西湖采蓮舟上有愁思婦不摘芙蓉花何因出素手

明下童曲

二首

走馬上越橋遺却黃金鞭遙望射堂頭徘徊驕不前



赭白千里姿斑駁八百餘乘不獨自去日與陸郎俱

同生曲

二首

盛時不再逢百歲一何促願以南山松秉作夜遊燭  
蟋蟀空局促人命安可為但當飲美酒醉即萬里歌

石城曲

四首

可憐冶遊郎大馬高纏駿冶遊石城下聞名少年中珂  
我同心髻環插三子釵種種隨時變懊惱郎君懷陽春  
二三月花與郎同色明知苦淹留盛年不可得大舫十

八槳長篙如竹林張帆看風色知是下江陵

烏夜啼

四首

石城諸少年歌舞日相新劉生安東平是郎得意人  
長檣百幅帆常著千里風婀娜檣上佳飛逐不成雙  
大帆曳雲還長檣柱天起非是不相留勢已無千里  
烏生秦氏家不從秦氏栖夜夜將九子石城城上啼

烏棲曲

四首

芙蓉如繡柳如織浣沙渡頭日將匿高髻雙珠玳瑁簪

采蓮一曲傾江南

珠履錯落華燈光長袖宛宛屬羽觴含笑一轉心相知  
誰能不前復自持

黃金匣匣藏菱鏡北斗闌干城上落美人空牀夜不眠  
雙雙玉筯下燈前

江南女兒蹋蹀歌陽春窈窕出綺羅黃金轡頭紫騮馬  
長安少年事遊冶

估客樂

二首

估客從揚州大艚載何來有無郎寄書但語莫徘徊  
估客廣州人出入三江口一艚載三千娘但日沽酒

莫愁樂

四首

何來諸少年石城迎莫愁莫愁石城西門前江水流  
莫愁善西曲曲曲變新聲含意嬌不發春風感人情  
莫愁幽閨性非但傾城色石城諸少年人人自相識  
何處尋莫愁石城諸少年可憐六萌車不送莫愁還

襄陽樂

六首

朝上大隄頭暮上大隄頭大隄諸女兒遊冶不知愁  
女蘿復可縫菟絲復可織唯有菖蒲花郎自不曾識  
大隄諸女兒歌舞日相逐郎君定憐誰夙昔誰家宿  
郎君但坐飲聽我白雪絃十三工西曲自不工數錢  
揚州大估客千金作一裝誰敢攀貴德牽壞儂衣裳  
詫儂斷信使還書亦不作微薄自憐儂歡豈自微薄

三洲歌

三首

何處估客豪揚州估客豪象牙持作牆鏰石持作篙

聞歡揚州去大舩居上頭一載五百萬兩載千萬餘  
何來板橋灣特底喚酤酒兩叢蒲鍛鑲問儂取不取

襄陽蹋銅蹄

四首

白馬蹋銅蹄着地銅蹄鳴往來大隄上出入襄陽城  
大馬珂義頭一步三春鉏借問馬上兒家在襄陽不  
白馬金絡頭一步三駝駝便是馬上郎何嘗不婀娜  
陽春二三月襄陽好徘徊淶酒漢江色與郎傳一杯

青驄白馬

八首

青驄躑躅八尺強黃金絡頭絲作韁

可憐白馬如人長著地徘徊自生光

青驄白馬冶遊郎勞君下都看三陽

可憐白馬逐青驄石橋栢梁五湖中

青驄白馬六萌車可憐今夜宿誰家

借問窈窕西曲娘白馬青驄去無常

借問窈窕西曲女石城莫愁憑寄語

齊唱可憐淚沾裳可憐三聲忘故鄉

夜度娘

儂來星始集儂去月將夕  
不是地上霜無人見儂跡

長松標

落落南山松長標一何拙  
上棲萬里風下覆千年雪

雙行纏

朱絲葢蕤繩是儂雙行纏  
繞腕結同心傍人那得見

黃督

誰能見歌舞不自愛陽春  
少年雙淚落知是他鄉人



作蠶絲二首

拾蠶蠶如指出桑桑如掌一日三箔眠交儂那得往  
大繭大如卵小繭垂其腴三秋上織作君看羅繡襦

碣石篇四首

碣石中怒滄海北倚元氣吐欲若偃若起長風相薄跳  
波千里懸流冒顛天漢外紀地軸高標轂轉白日與齊  
俱入與泊偕出

其二

涼秋九月塞外草衰白日蕭條北風苦悲邊聲四起胡  
馬成群爍火如星列障如雲錢鏐既置修我戈矛裹糧  
坐甲唯敵是求

其三

委蛇者河千里一曲方之舟之匪芻伊粟太行詰屈西  
北是經車轍馬迹日不遑寧於鑠聖人依其在京差次  
吏功郡國以成

其四

羽翼未就鴻鵠徘徊神龍失水螻蟻所裁珠不暗投劍  
不倒持能弗用利勿處於疑高才者妬匪但在人逃名  
避世以保其身

白紵舞歌

四首

華鐙參差月舒光笛簫笙竽琴瑟張館娃窈窕夜未央  
西施起舞屬吳王白紵颯沓零繁霜浮雲綽約凝且翔  
將絕復引歌為長迴身急入促管藏揚跼摩趺匝洞房  
流風徘徊生繡裳答桴應節蹈鼓行挺釵欲墮復不墮

羅袖繚繞滿中堂與志變化無恒常諸工競寫忽已忘  
遷延就次進羽觴

其二

二八齊容羅象筵激楚之結獨秀先白紵蕭索陽春前  
迴風飛雪相流連玉腕繚繞縈繁絃朱唇宛轉含蹁躑  
將行復却私自憐願君蹈歌及盛年

其三

春日荏苒花落英吳姬起舞媚前楹迴身頓趾迅且輕

纖塵暗曖不及生投袂一轉激楚成徘徊復進為新聲  
二八斂手停鳴箏中曲再變豪竹驚如矜若怨意未明  
餘姿逸態猶縱橫妙技絕世色傾城誰能顧眄感人情  
其四

雙袖徐起若有思逸態一放橫難持淫衍詰屈紛陸離  
流紉曳縠風委迤縈塵逗節利屣施紆形赴曲影不知  
纖腰欲結行綴移衆變皆至生繁姿躊躇中止人盡疑  
浮騰絕跡稱神奇遊精蕩志君自治大樂萬歲遠如期

霹靂引

平成天地剖九州羅列五嶽江河流明堂受計朝諸侯  
人馬辟易氣縱橫悲歌慷慨志不平

天馬引

二首

胡風雨駢駢而空山有人  
躑躅兮鳴悲匣余室兮三行

蜨蝶行

蜨蝶翻翻戲遊來東園苜蓿中不知誰家涎涎乳子燕

銜之我入窈窕紫深宮紫深宮構櫺間高坐顙頤待哺  
兩黃口睨之阿母得食還搖頭鼓翼誰忍視蜨蝶輕薄  
亦可憐

悲歌

慷慨乃知故人徘徊乃知故鄉遠道多懷久客自傷欲  
駕車無輓欲渡河無梁中夜顧形影泣下沾衣裳

猛虎行

饑且從漂母食寒且從巢父棲石不為周客笑玉不為

楚王啼管茅但塞路桃李自成蹊

枯魚過河泣

大魚啗小魚小魚啗鰕鰕鰕啗沮如  
啗多沮如涸請君肆中居

遠遊篇

萬里未足步過謁歷遐荒一舉駕黃鵠再舉凌雲翔澄  
氛隱北斗河漢集為梁山川自紆曲天地自圓方六鼇  
抃蓬萊十日彈扶桑潮水怒相擊崑崙出中央流覽臨



九州衆人何茫茫  
網緼造元氣  
控揣成陰陽  
黔羸秉大鈞  
叢脞不可當  
道逢王子喬  
揖我還故鄉

廣齊謳行

不勞歌楚艷  
請為罷吳趨  
上客但安坐  
聽我奏齊謳  
鷹揚表東土  
賜履維青州  
沃壤既如膏  
絲枲鞠且柔  
魚鹽無儉歲  
海王自春秋  
百二敵彊秦  
八九吞徒州  
美哉一匡力  
天下咸宗周  
朝服西濟河  
鞭箠使諸侯  
至今臨淄途  
誦義慕前修  
抱鼓立軍門  
意氣縱橫浮  
舉袂成幃幙

攘臂赴仇讐先君務養士奕世恢鴻猷晏嬰以當路結  
交魯孔丘其人聘列國終日無停輶及聞簡韶音若與  
唐虞遊三月忘寢食栖栖此淹留季札本荆蠻華夏多  
夷猶泱泱歎大風觀采不能休五伯桓稱首四豪文其  
尤擁篲為賓師鐵籠存主憂闊達有遺俗功利非所謀  
馳騁一何雄冠劍常相求蠲辭萬家邑連謝千金酬即  
論二布衣豈復商賈流

前緩聲行

海中之山必有天上之河人知其一莫知其它自非意  
氣輕黃金結交寧足多當復思東來之兔必有西去之  
鳥不含晝夜曾何愛於吾徒長笛不呼短笛呼願君有  
酒即飲無酒酤

結客少年場

翩翩白馬客遊冶長安城自矜有俠骨骯髒多交情羞  
倚將軍勢詎借傍人名利劍一在掌四海皆弟兄片言  
出肝膽杯酒如平生恩讐等白日然諾千金輕君看少

年場意氣誰縱橫罵坐亦已麤探丸非老成淺之為丈  
夫賢豪大所營長兄推魯連仲兄推虞卿小弟處囊中  
黽勉荆楚行但令稱國士不必取先鳴

東飛伯勞歌

東飛伯勞西飛鵲黃金倉琅巖誰家女兒倚高樓  
含嬌吐怨彈箜篌明珠翠羽紅粉妝單衫婀娜春風香  
女兒年幾十五餘開顏發艷玉不如箜篌宛轉作新聲  
可憐一曲傾人城

塞下曲

諸羌款朝那請與漢家和  
紫貂黃羊白橐駝單于閼氏  
乘六羸

河中之水歌

河中之水流迢迢洛陽女兒名嬌嬌  
嬌嬌十三稱絕色十四懷春未可挑  
纔梳墮髻即殊衆怕逐時人鬪小腰  
學成織錦機猶澁解度新聲瑟  
嬾調日出采桑城東路路傍桃李花  
飄姚左手提籠絲作繫右手攀花折其條

國卿下裝不復顧使君五馬徒相邀  
董家高樓一百尺  
歸來誰見倚逍遙

三言

附

郡齋同元美賦得陰字

漳之潯大陸陰天落落日駸駸誰為郡  
此滯淫君在坐  
倍蕭森嗟波及邈陸沈酌我酒聽長吟  
秋無色風雨深  
山欲出薜蘿侵淚相視臥獨臨  
滄海夢白雲心來何處  
別至今重握手一知音  
孤城夜楓樹林漂短髮問抽簪

四言

附

效阮公

二首

大清孔陽元氣絪縕靈曜懸鑒列宿垂文威鳳振羽神  
龍作鱗蕙蘭幽鬱松桂輪囷

其二

日照月臨天高氣清金支秀華羽林翠旌六駕龍舞四  
牡鸞鳴濯纓雲漢晞髮層城

滄溟集卷二



總校官庶吉士臣侍朝

校對官檢討臣王鍾健

謄錄監生臣沈心醇



欽定四庫全書薈要

集部  
滄溪集卷三  
四



詳校官候補通政司經歷臣郭祚熾

欽定四庫全書薈要卷一萬七千一百二十六


集部

滄溟集卷三

明 李攀龍 撰

五言古詩

錄別 十二首

 悠悠念往路離別從此長何以酬明德攜手歸故鄉良時不須臾且復各盈觴仰視日月馳千載互相望浮雲難獨留游子暮彷徨綢繆踰皓首風波忽一方

其二

千秋一嘉遇此別安可知良時不努力賤軀欲何為晨  
風野蕭條浮雲西北馳河梁臨往路遠望令人悲游子  
自有懷悠悠當告誰

其三

長思何益會久留何益歸行人悵明發褰裳路徘徊嘉  
期能再至安辭渴與饑浮雲一相失千里常依依我欲  
往從之送子東南飛

其四

秋蘭懷芬芳依依樹前庭春華不再盛枝葉皆已零念  
昔二三子俛仰如流星羽翼一以乖邈若渴平生徘徊  
顧四海誰能喻中情結交各有時千載一濯纓離別不  
在遠日月從此征長當為路人獨無弟與兄尊酒可自  
慰願言宗令名

其五

乖疑起恩愛離別生歡娛念子非一身中懷難久俱握  
手一相失奄忽秦與胡新知自言樂山海日以殊行路

方未央出門思故廬浮雲沒景光北風悲有餘塞裳復  
四顧徘徊當路衢結髮在戰場皓首為征夫

其六

四海一黃鵠千里命其儔悲風厲胡馬躑躅鳴相求何  
況同袍友從此遠行游離別無慷慨去去且復留白日  
沒邊城回首望中州浮雲西北飛河漢東南流視夜常  
苦早寒冬正悠悠明月燭羅幃嚴霜切綢繆俛仰已自  
喻誰能不懷憂

其七

念當首往路千里邈已臨絲竹發高堂聽我雙龍吟  
泠江漢流浮雲寒以陰長風激羽翼嚴霜摧北林慷慨  
有餘悲新聲愴人心游子失相視征夫淚不任中曲一  
俛仰從此無知音故鄉一尊酒願言常酌斟徘徊戀景  
光忽為辰與參來者自非昔去者自非今

其八

高樓耿長夜攬衣歌且謠秋風一何悲游子不得驕明

月照空牀羅幃自蕭蕭三星既隅列河漢東南朝黃鵠  
正徘徊翩翩顧其曹故鄉邈千里慷慨命同袍浮雲日  
西北安知心所勞攜手在須臾經時復漂搖

其九

河漢何皎皎衆星錯其間攬衣立前庭明月照苦顏悲  
風中夜起蕭蕭有餘寒涕淚應聲零四顧慘無歡往路  
信可懷為樂及盛年游子不自愛故鄉豈難旋

其十

黃鵠難為羣游子常苦辛念當從此別中懷日以新清  
光皎明月遠望不可親高樓正蕭條徘徊四無人上有  
千里雲其下起飈塵各言還故鄉握手道何因

其十一

窮冬盛陰氣白日西南微征人常早寐皎月照我扉故  
鄉千餘里中夜起懷歸披星駕言邁嚴霜裂裳衣獨行  
無儔匹誰知渴與饑穹廬多悲風蕭蕭邊草哀身在天  
一隅何得不徘徊



其十二

顏色無常好春華一以零悲風蔽地來四顧何冥冥寤  
言懷往路攬衣從此興殺氣拳毛髮涕泣斷為冰仰視  
河漢星離如水中萍景光不戀人游子宜遑寧夜依牛  
羊宿日驅駑馬行努力及明時安能愛其情

錄別

又十一首

秋風既蕭蕭浮雲亦依依四顧但他鄉游子一何微駕  
言西北邁中道正裛徊客行無好懷萬事不如歸

其二

三星跂相視新月奉素光  
兩宮高自出雙闕遙相望  
雲霞絢河漢機杼成文章  
羅幃影四座華燭搖中堂  
主人前進酒彈瑟為清商  
流飈激長夜殺氣隕嚴霜  
蕭蕭墮白髮翩翩曳衣裳  
男兒不憔悴誰知在他鄉

其三

北風著枯林浮雲苦多陰  
紅顏日就衰他鄉日就深  
別離起中夜對酒不能斟  
絲竹含妙伎佳人懷好音  
眇眇

遠君意慷慨動君心罷曲一俛仰變為游子吟念當事  
行役淚下難自禁

其四

秋風西北來蕭蕭動百草蕩子無室家悠悠在長道紅  
顏能幾時棄捐一何早對客發素書零涕復盈抱上言  
故鄉好下言故人老

其五

冉冉年欲度秋蘭草間萎蕩滌千歲情結束欲何為美

酒不誤人紅顏多所宜萬事自明日行樂此一時四座  
慘無言游子中心知浮雲動悠悠故鄉難可期

其六

悲風墮白日天地何冥冥招搖彈北戶河漢條中庭征  
夫苦難夜且復命新聲芳言動君子四座無不清人生  
即滿百長此千載名豈如飲美酒趙女奏鳴箏慷慨盡  
逸嚮慰我饑渴情惟念當離別翩翩渺獨征

其七

明月促曙光衆星西北移游子工早行起問夜何其攬  
衣出門去長當渴與饑蒺藜穿我履嚴霜薄我肌別離  
矜盛年老至不自知努力事戰場淚下復無時

其八

浮雲滿天地蕩子欲安之努力事行役棄置以為期少  
年盛意氣慷慨生別離乳乳無根蓬翩翩中林騅馬上  
不得語涕淚各纍纍君但重自愛遠道歸有時

其九

秋風動千里游子何翩翩  
早行多所懷慷慨私自憐  
嚴霜覆四野明星出高天  
涕淚一以下中道忽言旋  
踟躕戀徒侶不知身棄捐  
客從遠方來遺我繒絲牋  
故人俱白頭安得獨盛年

其十

昭昭秋素景明月涵金華  
清酒照朱顏中堂發高歌  
游子在外單結交常苦多  
別離動白頭人生復幾何  
悲風搖枯林嚴霜携女蘿  
新知雖云樂不如早還家

其十一

高樓出浮雲零露綴綺疏  
明月照佳人清光相有餘  
紛紛下涕淚纖纖結素書  
願持千里心託此雙鯉魚  
尊名不可處白髮難久居  
豈如及盛年駕言歸故廬

錄別

又三首

眇眇遠行客綿綿思故鄉  
悲風繞車鳴浮雲立馬傍  
邊城苦多陰秋氣激繁霜  
白日匿何時四野一茫茫  
落木委空庭游響拂閒房  
霏霏羅帷影明月在我牀  
起視河

漢涼寥寥夜未央出亦以徘徊入亦以彷徨

其二

大江多悲風秋日澄清陰浮雲無本根天路難重尋故人一失所結交良苦心游子易慷慨撫劍吐哀吟白髮行蕭蕭繁霜悴我衿登城望四野明月照北林悠悠委他鄉中懷安可任

其三

去日苦太易游子無常家別離在俯仰素雪以朱華驅



車就顧景明發泛黃河浮雲勝余征流飗激其波顧盼  
當中原慷慨為悲歌千里一蕭條故鄉復如何

古意

七首

秋風西北起吹我游子裳浮雲從何來安知非故鄉蕭  
蕭胡馬鳴翩翩下枯桑暮色入中原飛蓬轉戰場往路  
不可懷行役自悲傷

其二

新人一何好年頗十五餘本自貴家子秦氏有名姝故

人行采桑值我城南隅顏色各精妙手爪亦相如故人  
工紈素新人工笙竽笙竽未渠央紈素色已渝人生無  
新故夫壻自言殊

其三

解陰有孤竹常含千歲霜截為雄鳴管其音中清商豈  
不在人耳世已無鳳凰新聲自一時豔曲亂高倡安得  
日相御並坐君子堂

其四

十五漳河女出身邯鄲庭絲竹妙一世纖手何泠泠清  
商有餘悲慷慨為新聲中曲若無人含意已獨明知音  
難再遇紅妝日夜零奮響發浮雲摧耳不能聽

其五

英英天上雲不照濁水泥新婚日以親賤妾日以携繁  
聲出皓齒妙舞生春姿縞綦難為容棄如秋草妾念當  
羽翼垂依依即路岐良人無古歡妾自中心知

其六

中天起雙闕浮雲出兩宮馳道挺其間甲第羅西東胡  
姬正當壚邀客過新豐朱脣含綠酒纖爪扣青銅墮髻  
似無意繚繞一何工眴眴正愁人流紈動春風雙雙羽  
林郎翩翩五色驄挾瑟上高樓調絃方未終

其七

胡鷹一何勁北風一何高朔方士馬地斗酒命同袍窮  
冬蹙四野大獵出臨洮盪石響深谷烈火走平臯邊聲  
中夜起殺氣常蕭蕭積陰生戰場白日慘不消草枯牛

羊瘦雪盛狐鼠驕引領望交河層冰正迢迢

詠古

十六首

帝作大唐歌八伯奏卿雲鍾石興麓野人聲一以論日  
月發光華爛然星具陳沈璧十二渚岱宗乃于禋是時  
闢四門穆穆咸所賓

其二

綏綏塗山狐九尾不自多我往求平定念子無室家明  
發興嶽庭乃身參洪波宗䟽事則哀祝融揚英華玉牒

沐日月素書出江河

其三

江水一何沛薄大趣歸處朝周過故墟宮室生禾黍傷  
彼西山士採薇自相茹千載睹軼詩斯人乃高舉

其四

白雲出山陵乃在天一方東土既已洽徂西聊徜徉虎  
豹自為羣鳥鵲列成行惟帝立嘉命諸夏發其祥願言  
顧見汝中心以翱翔刊石樹弁茲千載遙相望

其五

杲杲熾日羽施施掩飈旂我車既已寫四馬亦孔柔射  
夫率原隰君子循方舟楊柳索其鮮鹿豕填相求多士  
自允異燕樂成王猷駕言徂東郊出洛朝諸侯

其六

白石粲南山頽鯉麗滄浪單衣裁及骭縕纓遠從商夜  
中起飯牛任車自所將爝火辟列星上客爛生光疾歌  
一不聞何謂伯與王

其七

苑彼中林鳥拚飛不集枯齒牙一為猾公子良見圖矯  
矯上天龍霧雨既已敷子推獨耆乾草莽空號呼懸書  
下宮門綿山聊與娛

其八

莊王構魯臺乃與雲夢鄰東延洞庭石潯陽激清津趙  
魏方幸禍況此狼虎秦諫者七十二枕藉以前陳時非  
一耕夫三楚訖無人因知沮溺流用卽社稷臣



其九

駕言九皋澤攬彼漸水臺  
累置蔽荆岑絕流曲池隈  
婉彼三楚士諫獵紆其才  
大雨忽盈河疾風西北來  
洪潦起滔天隕雹激以雷  
商梁正綏立僕夫行告哀  
孤虛無妄設熒惑諒為灾  
帝德睠荒淫欲去此徘徊

其十

文駟陳大庭膳肉宿所修  
羣婢一以盛君子乃見咻  
孰謂彼婦口於中可優游  
蟋蟀遂盈耳鳳兮當何求  
斧柯

不在手龜山鬱綢繆翺翔七十國交轍奸諸侯狄水衍  
其波罔濟非無舟駕言從吾好還轅息我陬

其十一

忽忽歲已莫太臺役方作太上美遨遊禾黍未能穫  
穗滿甫田風雨殫零落相國一沾襟罷酒不為樂

其十二

貧吏常苦富廉吏常苦貧不見孫叔敖其子行負薪五  
霸相代興主烈難為臣令名有遺封餘財喜没人寢丘

雖言惡千載功無湮

其十三

闔閭為無道厥欲如蛇豕薦食視上國乃政從楚起昭  
王在草澤羣臣不復紀使者哭秦庭七日未得理入郢  
既已甚丘隴行見箠感茲告急言誓彼同袍士賢臣亦  
多術存亡尤獨美

其十四

吳王既棲越出遊包山湖道逢一丈人邀我洞庭隅靈

墟發深藏中有神禹書大文祕天地乃傳百六初金簡  
敲浮景玉宇回璇樞科斗不可辨鳥跡互盤紆精華一  
以洩厭氣直國廬顧見二室顛三石方扶䟽

其十五

薛公得馮驩門下知者誰十日居傳舍乃問客所為先  
生惟一劍彈鋏何其悲授室締高國驅車出中逵主人  
意已厭同列寧見推田文既失位傾身與持危片言悟  
齊主復相名益垂奇士多侮世藏用匪可窺

其十六

中春陽和起嘉觀臨四方刻石頌功德從臣紀攸長上  
以獻泰成下威六暴彊郡縣乃作始經緯不踰行薦號  
立大義昭設咸有章濯俗諒已美刑名非恒常鞭箠出  
頑夫二世尋滅亡

雜興

十首

伯牙負高操引曲輒入神從師蹈東海延頸四無人洪  
波盪大壑悲鳥方號羣白日坐失色山林忽不分精氣

一以變此調得其真世俗蔽聞見千載遞相因遺世伎  
始妙絕絃多苦辛自非鍾子期古道難具陳

其二

離朱不逆景師曠不逆風所用一以失化為瞽與聾  
策出大御繩墨出巧工顧眄即千里結構臨層穹束手  
寧自甘徇人道乃窮

其三

良材出大國羣構集明堂榑櫨相支持榱桷碩且長飛

棟鬱雲興高軒間重梁衆人稱壯麗輸子起彷徨柱小  
亦已撓朽蠹處中央迨天方晦陰室家羅四廂行者苦  
無休居者歌慷慨風雨一漂搖不知僵路傍

其四

良馬躓路岐善言躓嫌疑稱樂自云早日月寢已馳黃  
金不可作美酒多所宜清風響高唱令德含妙辭

其五

太元秉經緯天地自生成陰陽遞消息四時相虛盈雷

雨鼓神氣日月宣華英綢繆交二儀周流列五行至和  
液甘露盛德厭撓槍唐虞且法象明良熙穆清垂衣御  
三事大治無常名

其六

翻何漢宮女紅妝鬱熒熒本自良家子十五克後庭是  
時得上意寵至身逾輕貴幸霸天下妙麗傾人城詔許  
領椒房嬪御無不驚脣如齒丹飴齒如鏘玉聲一當萬  
乘主常含中道情絕色動千載旦夕誰見明美惡懸盛



哀棄置視合并所以尹婕妤顧眄失平生

其七

詭時苦難遇直道苦不華挈餅羸衆口繩墨矯羣邪所  
以上古人工拙無常家陸沈金馬門醉即據地歌世久  
自相玩為德一何多在羣既纍生孤貴亦失和首陽與  
柳下一龍復一蛇同流雖所顧跡適心則遐

其八

鴻鵠一以舉四海何悠悠局促人間世豈若遠行遊明

時不重至中懷難久留遇合成倂倖美女多所仇英雄  
既失據片語解綢繆所以孔仲尼舍車即于浮

其九

洞庭大張樂千乘朝昆侖在昔有行幸軒穆一何尊樓  
船下河東羽衛覽西垠風起白雲飛龍首望中原簫鼓  
發哀情長馳晦回轅入齧妃女脣出接詞客言

其十

名馬不受羈足下有千里黃鵠不受羅羽翼就四海貴

賤自一身出處無二軌時利適愚夫勢衰蹶智士祛長  
不握臂屨縮不截趾陸沈人間世悠悠日復爾

雜興 八十一首

鴻鵠摩蒼天萬里一翱翔迴飈生羽翼浮雲為低昂畢  
逋城上烏黃口自成行俛啄仰相嚇徘徊腐鼠傍

其二

大魚鼓長鬚捷若舉帆幢夜驅蒼梧風凌晨浮九江怒  
擊胥山濤洪波為洶洶本圖運南溟中更不相容何言

一失水湖海難再逢寧如涸轍鮒斗水得所鍾

其三

江南有佳人桃李翁朱顏蕩子行從軍間房重其關  
明月徘徊影自翩翩秋氣響羅帷蕭蕭難獨眠

其四

鳳棲十圍幹龍翔九回流圓景朝列宿五嶽尊陵丘  
聖人膺大命多士自相求稷契功不刊唐虞德無儔  
神明盛驅使衣裳美優游詩書監二代孔氏乃宗周  
在昔紂

天經羣后有綢繆艱難戴王室千載成咸休

其五

長離自鳳雛元馬乃龍子文采成九苞骨法本千里箕  
頤出高人巖穴有知己抗迹唐虞庭清風振薄鄙

其六

南山有奇鳥朝陽曜其文下來蘭池飲羅網正紛紜雖  
復就長纓徘徊懷不羣枳棘無安步哀鳴激清雲

其七

翩翩西北風蕭蕭枯桑林登高使人望秋氣悲我心  
臺蔓寒草易水清且深當時燕趙士慷慨有遺音

其八

駕出薊北門東望元英宮高臺造浮雲碣石來悲風客  
卿既裂地戰士亦論功稱系遷大呂昭王氣何雄汶篁  
一不植千里生飛蓬

其九

逍遙臨蓬池言陟梁王臺還顧望大河洪波渺悠哉飛

雪蔽中原北風千里來馳驅名利途無駿不駕駘精衛  
自微烏東海生塵埃

其十

古今一旦暮俯仰成興衰不見桑榆雲千里相蔽虧黃  
金苦易盡紅顏安可為如何膏粱士拂拭使人悲

其十一

萬事無不有何言能自持巢由乖世度高行衆人疑俯  
仰在當路得喪未可期湯火煎太和傾側使神危終身

繫羅網失勢還相欺念我平生歡臨觴命妖姬

古詩後十九首

并引

前有十九首故後言之猶稱古者其文則十九首也其文則十九首而以屬辭辟之制轡策于垤中恣意於馬使不得旁出而居然有一息千里之勢斯王良造父所為難爾

其一

行行萬里餘依依夢故鄉見君累長夜攜手立彷徨寤



言心尚爾忽在天一方越鳥東南飛胡馬鳴相望眇眇  
人自好棄捐人自老徘徊亦何益努力苦不早思君度  
餐飯歲月漫浩浩慷慨即別離故鄉勿復道

其二

摇摇車馬客依依燕趙女沾沾倚箏立交交夾窓語盤  
盤高結出飄飄巾帶舉浮雲忽自歸蕩子漫無所天寒  
錦衾薄空牀難獨處

其三

白石何歷歷松柏何離離人生天地間一日不可知斗  
酒無常置良會無常期沈吟厚與薄為樂無乃遲宛洛  
美遊戲冠帶自相隨宮闕起雲中第宅羅四垂王侯負  
貴氣佳客以盛哀君但視車馬攬策振其綏

其四

良會屬今日彈箏倚新聲唱苦令神傷三變不可盈中  
曲忽自置躑躅一再行欲因更促柱難為聽者情人生  
局一世悠悠終何成要路多坎坷先秋慘其榮來者率

如此焉知千歲名

其五

三五樓上女徙倚當雙扉紅妝妙一世誰不攬容輝絃歌入青雲新聲亮所稀千載為一彈含意有餘哀知音難再得且復立徘徊終日不成曲零涕沾裳衣三歎令人老游子何時歸

其六

燭燭芙蓉花擢擢采蘭婦懷袖忽已盈馨香誰為有秋

草一以萎此物難獨久馳情一水間無因携素手

其七

搖光加孟冬北風何慘慄寒至踈衆星蟾兔亦早缺四  
時既替移遺迹獨難列不知空牀下蟋蟀安從出宛洛  
多故人厚者如膠漆及其據要路負我道非一織女無  
成章牽牛策不發且復守貧賤振翮各有日

其八

浮雲何冉冉亦在南山阿千里遠徘徊游子苦無家昔

我同門友策馬驅高車兩宮屬眇眇冠帶日逶迤致身  
及盛時結附一何多極宴累長夜重闌發絃歌白露忽  
以零迫此蕙蘭花芳草隨飈塵誰能顧女蘿

其九

獨鵲西北逝逸響一何哀念當生別離欲去復徘徊不  
惜寒氣厲但傷羽翼摧我有鴛鴦綺無衣誰為裁

其十

眇眇織女星當機理紉素牽牛能幾許常為投杼誤紉

素欲遺誰終日西北顧負軛復何時軒車歲云暮攬衣  
即河漢躑躅不得度

其十一

高樓出西北下有故鄉道浮雲蔽天起回飈響秋草四  
時更相至人生自着老傷彼遊子顏戚戚難獨好携手  
不須更棄捐一何早努力以為樂泣涕復盈抱

其十二

東城屬浮雲阿閣百餘尺歲暮多悲風游子衣裳薄四

野何蕭條所遇但遺跡來者自為今去者自為昔盛年奄  
已哀含意將安適燕趙出名倡紅顏照宛洛結束隨時  
變絃歌日相索未彈理懷袖若在遠行客弄指一何妙  
列柱一何迫馳情視雙燕飛入王侯宅

其十三

磊磊丘與墳鬱鬱郭北地白日松栢陰悲風四面至誰  
能黃泉下水含未伸意悠悠即長夜千載一以棄漫漫  
待明發迢迢正遙寐身世非膠漆豈得常相寄此物無

賢愚萬歲更相致神仙不可知服食苦中置美酒與佳人攜手行遊戲

其十四

郭北一極望徘徊安所如新墳歷歷出古墓附里閭薪者躑躅歌棄女迴其車白楊日夜踈蕭蕭悲有餘三歲去故鄉一字無素書

其十五

處世苦無見孤生非所憂高言唱同心千載一相求窮



賤解膠漆棄置衰交游昔我同門友上書哀王侯明月  
皎夜光躑躅不得投

其十六

迢迢月既望白露被庭中越女前理音燕服羅清宮交  
游自遠方文彩復無雙駕言出廣陵將以遠曲江聊慄  
此何氣攬觀不可窮帷車蔽日下萬馬悲回風水力率  
已至神物難為容秉意屬南山浩蕩惟所從上客變其  
度陳唱誰與同極命以成章娛樂良未終

其十七

孟冬風已厲攬衣有餘歎獨宿知夜長遠客知天寒河  
漢直雙闕皎若素與紉黃鵠從西南孤飛正漫漫一鳴  
緩中帶再鳴霑玉顏遊子不可聽令君中道還所以生  
別離慷慨亮為難

其十八

客從洛浦至遺我合歡衾中有長相思緣以結同心笑  
蓉發文彩鴛鴦厲哀吟遊子正無衣天氣復已陰故人

此屬意徘徊獨至今

其十九

皎皎羅帷月攬之有餘輝寤言守長夜依依未能歸故鄉無不可道路亦何為客行各所懷誰知我心悲出門一以望浩蕩霑裳衣

君子行

君子美百行維日服厥衷車奔不易度火滅不改容垢言一生口鹽漱難為工金多徒自穢重名撓直躬幸勿

少須臾無替功乃崇九淵可浮游所患溺愚蒙

遠遊篇

乘蹻萬里外言造太微庭雲霞曜朱闕日月夾丹櫺羣  
后儼金止仙女紛玉亭隨風列以雨出窈而入冥沆瀣  
飛素液芝草不復零虹霓為我帶雜佩搖華星濯纓河  
漢流清波正泠泠俯視世間人汎汎如浮萍

太山篇

大東有神嶽專名為岱宗日精攝海氣吳野控其峯明

堂朝列后金策紀元功維昔七十家軒轅此登封雲霞  
自窈窕石室何青蔥仙人攬玉樹鬚髮生清風靈液飛  
潺湲芝草如蒿蓬唯帝擁靈符千載一升中願言與問  
道乘龍舉太空

滄溟集卷三